

Broj: 101 – 680/24 DŽS
Zenica, 23.01.2024.godine

Postupajući po Rješenju URŽ, broj: JN2-03-07-1-3603-9/23 od 18.01.2024. godine, na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU **o izboru najpovoljnijeg ponuđača**

Član I

Okvirni sporazum u postupku nabavke cijevi za pitku vodu od nodularnog liva (daktil) dodjeljuje se ponuđaču **HIDRO-TERMO CENTAR d.o.o. Sarajevo**, prema ponudi broj: 501-13291/23 od 15.11.2023. godine, za ponuđenu cijenu u iznosu od 449.421,60 KM bez PDV-a, a u skladu sa Rješenjem URŽ broj: JN2-03-07-1-3603-9/23 od 18.01.2024. godine.

Član II

Prijedlog okvirnog sporazuma dostavit će se na potpis izabranom ponuđaču HIDRO-TERMO CENTAR d.o.o. Sarajevo nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član III

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

Član IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71., stav 2. Zakona o javnim nabavkama („Sl. glasnik BiH“ broj 39/14.).

Član V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-11970/23 BS od 19.10.2023. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 470.000,00 KM.

Dana 20.10.2023.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-363-3-158/23 objavljena je i tenderska dokumentacija.

Rok za dostavljanje ponuda je bio 15.11.2023. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su 4 ponude u zatvorenoj koverti, i to:

1. Senigor d.o.o. Sarajevo
2. Vodoskok d.o.o. Tomislavgrad
3. HTC d.o.o. Sarajevo
4. Almy d.o.o. Zenica

Komisija za nabavku imenovana je Odlukom broj: 101-12206/23 ME od 20.10.2023.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- ukupno 14 (četnaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 23.11.2023. godine direktoru preduzeća dostavila Zapisnik o ocjeni ponuda broj: 501 -13591 /23 DŽS od 23.11.2023. godine sa preporukom o izboru najpovoljnijeg ponuđača.

Uvidom u priloženu dokumentaciju otvorenog postupka broj: 406-11970-3/23 BS od 19.10.2023. godine – Nabavka cijevi za pitku vodu od nodularnog liva (daktil), a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", 39/14, 59/22), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena bilo koje dostavljene ponude neprirodno niska.

Ponuđač Senigor d.o.o. Sarajevo nije dostavio traženu potvrdu o zdravstvenoj ispravnosti brtvi izdanu od strane ovlaštene institucije sa područja EU. Komisija je pregledom Aneksa 2 ustanovila računsku grešku (ukupna vrijednost ponude iznosi 469.980,00 KM bez PDV-a umjesto 469.986,00 KM bez PDV-a). Ispravka računске greške nije tražena od ponuđača obzirom na gore opisani nedostatak u ponudi zbog kojeg ponuda nije prihvatljiva za ugovorni organ. Slijedom navedenog, ponuda ponuđača Senigor d.o.o. Sarajevo je nepravilna član 2., stav 1., tačka I., alineja 3. Zakona o javnim nabavkama BiH („Sl. glasnik BiH, 39/14, 59/22) . Iz gore navedenog razloga ponuda ponuđača Senigor d.o.o. Sarajevo se odbacuje u skladu sa članom 68., stav 4., tačka (g) Zakona o javnim nabavkama BiH („Sl. glasnik BiH, 39/14, 59/22).

Ponuđač Almy d.o.o. Zenica nije dostavio traženu potvrdu o zdravstvenoj ispravnosti brtvi izdanu od strane ovlaštene institucije sa područja EU.

Slijedom navedenog, ponuda ponuđača Almy d.o.o. Zenica je nepravilna član 2., stav 1., tačka I., alineja 3. Zakona o javnim nabavkama BiH („Sl. glasnik BiH, 39/14, 59/22) . Iz gore navedenog razloga ponuda ponuđača Almy d.o.o. Zenica se odbacuje u skladu sa članom 68., stav 4., tačka (g) Zakona o javnim nabavkama BiH („Sl. glasnik BiH, 39/14, 59/22).

Ponuđačima koji su dostavili formalno – pravno ispravne i tehnički prihvatljive ponude, ugovorni organ je shodno odredbi čl.4. Pravilnika o načinu korištenja e-aukcije zakazao e-aukciju za dan 23.11.2023. godine, u terminu od 11:00 sati.

Ponude ponuđača, prije početka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 468.327,18 KM bez PDV-a
2. HIDRO-TERMO CENTAR d.o.o. Sarajevo, sa ukupnom cijenom ponude u iznosu od 449.421,60 KM bez PDV-a

E-aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 391.343,00 KM bez PDV-a
2. HIDRO-TERMO CENTAR d.o.o. Sarajevo, sa ukupnom cijenom ponude u iznosu od 391.792,58 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. VODOSKOK d.o.o. Tomislavgrad, sa ukupnom cijenom ponude u iznosu od 391.343,00 KM bez PDV-a
2. HIDRO-TERMO CENTAR d.o.o. Sarajevo, sa ukupnom cijenom ponude u iznosu od 391.792,58 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku cijevi za pitku vodu od nodularnog liva (daktil) dao ponuđač VODOSKOK d.o.o. Tomislavgrad, jer je ponuđač dostavio ponudu sa najnižom cijenom prihvatljive ponude, te je Komisija predložila da se sa navedenim ponuđačem kao najpovoljnijim zaključi okvirni sporazum.

Slijedom navedenog, ugovorni organ je dana, 23.11.2023. godine donio Odluku o izboru najpovoljnijeg ponuđača broj: 101-13593/23 DŽS, koja je dostavljena svim ponuđačima-učesnicima u postupku.

Dana 27.11.2023. godine ugovorni organ je zaprimio žalbu na gore navedenu Odluku i to od ponuđača SENIGOR d.o.o. Sarajevo zbog čega je postupak obustavljen te je Žalba prosljeđena Uredu za razmatranje žalbi na odlučivanje.

Dana 04.12.2023. godine zaprimljena je i žalba ponuđača HIDRO-TERMO CENTAR d.o.o. Sarajevo koja je takođe prosljeđena Uredu za razmatranje žalbi.

Dana 03.01.2024. godine ugovorni organ je zaprimio Zaključak URŽ broj: JN2-03-07-1-3525-7/23 od 22.12.2023. godine kojim se žalba ponuđača SENIGOR d.o.o. Sarajevo odbacuje kao neuredna.

Dana 22.01.2024. godine ugovorni organ je zaprimio Rješenje URŽ broj: JN2-03-07-1-3603-9/23 od 18.01.2024. godine kojim se usvaja žalba ponuđača HIDRO-TERMO CENTAR d.o.o. Sarajevo i poništava Odluka o izboru najpovoljnijeg ponuđača broj: 101-13593/23 DŽS, te se predmet vraća ugovornom organu na ponovni postupak.

Postupajući po predmetnom Rješenju, Komisija je izvršila ponovnu evaluaciju zaprimljenih ponuda te je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku cijevi za pitku vodu od nodularnog liva (daktil) dao ponuđač HIDRO-TERMO CENTAR d.o.o. Sarajevo, jer je ponuđač jedini dostavio formalno pravno i tehnički prihvatljivu ponudu, te Komisija predlaže da se sa navedenim ponuđačem kao najpovoljnijim zaključi okvirni sporazum.

Postupajući po Rješenju URŽ te prema člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22), ugovorni organ je donio Odluku o dodjeli okvirnog sporazuma, kao što je navedeno u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor

Pašalić Emir
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Inženjer za nadzor nad vod.sis.
- 3 x Članovima Komisije
- 1 x Sekretar Komisije
- 1 x a/a